

此書在明有三本而以此本為最古萬歷中有楊  
光訓呂兆祥兩家增輯本四庫存目所著錄者即  
呂本也此書乃本諸劉濬孔顏孟三氏志而增廣  
之雖體例未能精善而元明典制頗賴此存其槩  
畧又所錄魯公諸文如世系譜序太宗碑銘顏元孫  
顏幼輿顏杲卿顏允南顏允臧諸墓銘皆今本魯  
公集所未載又勤禮条稱曾孫真卿撰神道碑昭  
甫元孫惟貞杲卿諸条並錄褒贈時魯公謝表之  
批卷則其所據之魯公集必有以上諸文無疑考魯  
公集有安國顏允祚兩刻武英殿聚珍本搜輯雖較



富而亦未采及是書宋時沈氏所定者原為十五卷  
後佚去三卷僅存十二卷明人又復析之以足原數今  
此書魯公案內言文集十五卷見傳於世者當猶  
是沈氏校定之原本也戊辰三月望日定武王錢聯  
生氏識於京師大興縣胡同之寓齋



陋巷誌序



誌以陋巷名誌先師亞聖所居之地  
也昔武王過商容之間必式而成周  
之于善人表厥宅里况先師上智大  
賢發吾聖人之蘊以教萬世無窮者  
命哉此誌所由作也誌初附三氏誌中  
畧而弗詳正德紀元侍御鄭州曹公



奉

命按視山東祇謁先聖闕里遂謁先師  
廟訪遺址而問誌焉太博公鉉以未  
有專誌對公曰誠缺典也宜亟成之  
而以陋巷名書既而太博錄事蹟詩  
文呈于公猥以屬鎬俾為卷次凡八  
卷棗刻以傳其義例多取諸闕里誌

明吾先師與先聖一道不容差殊至  
賜于卷帙多寡則據所見聞非敢詳畧  
也刻成公復屬鎬序諸首簡鎬惟周  
初之式閭表宅蓋皆一時之人物所以  
風勵乎一時者耳若吾先聖之道在  
萬世則先師之功亦在萬世表章登  
載固將以風化乎千萬世之有志于



斯道者也豈細故哉抑陋巷云者先  
師簞瓢棲息之所一經聖言至于今  
有耿光焉其在當時若三家氣燄盖  
可想見而其敗垣故跡莽焉莫尋此  
殆有不足論者而亦可見君子所以  
裕身垂世固有存此而不存彼者矣  
此則公名誌之深意也不容盡述

陋巷  
正德丁卯孟夏初吉

賜進士出身中憲大夫山東等處提刑

宣  
按察司副使奉

勅提督學政江東陳鎬謹書

先師世系家譜推自黃帝而下大抵世代迤邐可



味對會學文以東射海書

越家法隱靜奉

題接生由使中憲大夫山東

五對字喃蓋文味書

陋巷誌凡例

一靈力子日賀士越歸林簡單宗吉贊隨賦稿

先師遺像見於吳道子所畫

宣聖行教從行小影世以為真今取家本退省小像

圖少加潤色冠諸卷端而并廟林墓祭器諸圖附

馬之縣故不嫌繁複云

一前繪聖人尊崇之典恭謹觀章服與與田

先師世系家譜推自黃帝而下大抵世代遼絕莫可

考信惟自邾子而下差有可據今據舊譜所書而

附以誕生諱日及史記列傳歷代宗子子孫授官



恩澤聞達子孫如闕里誌法云

一陋巷井宅林墓廟宇歷代世守崇奉有加焉備錄於卷而洒掃戶役附之

一備錄歷代尊崇之典若謚號章服祀典給田免役之類

一歷代之君尊崇卷款而中先師有御製誥勅祭贊等文各以世年為序而以宗

子及族人仕官所得誥勅類附其後

一歷代名臣賢士造謁林廟碑記祭告贊銘題詠諸作以次附入焉

歷代修廟襲職奏疏及辯證文移之類詳錄于

卷以備稽考

一歷代宗人之顯者墓誌墓表附于末卷

一陋巷事蹟詩文已見闕里誌者今皆錄出蓋是

書專為

先師纂集故不嫌繁複云

世家

史記列傳

卷二

宗子世系

歷代校官



陋巷誌目錄

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

一陋巷先宅林墓廟宇歷代世宗宗奉

陋巷誌目錄

卷一



卷四 退省小影

顏林圖

卷七 元陋巷廟制

國朝顏廟制

世家林墓

史記列傳

卷二

宗子世系

歷代授官恩澤

顏井圖



侍郎林圖

元祀國文裕公廟制

祭器圖

誕生諱日

林墓



聞達子孫

卷三

陋巷井宅

侍郎林墓

謚號

祀典

免役

卷四

卷一 誥勅

祭文

孟為對官息野

林墓

兗州顏廟

章服

給田

蘇林

御製碑文

贊

目 卷五

碑記一

卷六

碑記二

卷七

祭文

頌

詩

卷八

奏疏

銘

贊

文移



墓誌

墓表

卷八

卷七

卷六


目錄畢

陋巷誌卷二


退省小影









原件破损






顏侍郎林園圖








元陋巷廟制




聚卦竹林圖





夫




燕東



元祀國文裕公廟制

元祀國文裕公廟制











祭器圖

銅



數二

簋




數二

簋



數二

邊




數十

豆




數十

登



數一





犧尊



數一象尊



數一

壘



數二

爵



數二洗




數二勺



數二

祝板



享

亞聖克國公廟用春秋仲月上丁釋奠並依唐開元禮邊十豆十登一釗二簋二簋二犧尊象尊各一壘二爵二洗勺各二祝板誕辰諱日祭祀禮同時

杞國公廟祭器同



歐陽公諱文忠公

事

卷之二十一 歐陽文忠公諱文忠公字永叔號醉翁六一居士

歐陽



歐陽文忠公



歐陽文忠公

世家

頽氏之先出自黃帝生昌意昌意生帝高陽帝高陽生暭暭生卷章卷章生吳回吳回生陸終陸終生六子其五曰晏安為曹姓國於邾歷唐虞夏商不能紀其傳周武王克商因封其裔孫挾為小邾子挾生非非生成成生車輔車輔生將新將新生訾父訾父生夷甫夷甫字伯頽謚武公春秋邾武公為魯之附庸故公羊傳稱頽公有功於齊齊威公命為小邾子別封其子友於邾子孫以父字為姓氏以其附庸於魯故世事魯為卿大夫夷甫生



友友生爽爽仕魯為下大夫爽生連連生皦皦生  
鳴自連至鳴皆下大夫鳴生音為司寇音生羽羽  
生訓訓生簡簡生箱自羽至箱皆下大夫箱生魍  
魍生景景生整整生恤恤生求自魍至求皆至司  
寇求生友為邑宰友生無絲字路為魯卿士少孔  
子六歲孔子始教闕里而受學焉娶齊姜氏生子

曰

見家譜

顏氏世為魯國鄉大夫魯國之族最為蕃衍孔門  
達者七十二人顏居其八顏子父無絲其次曰辛  
字子柳曰高字子驕曰祖字子襄曰之僕字子叔  
曰何字子冉曰噲字子聲

誕生諱日

按孔子年譜周景王二十四年即魯昭公二十一  
年庚辰冬十一月辛巳朔十六日丙申顏子生少  
孔子三十歲少伯魚十一歲周敬王二十七年即  
魯哀公二年戊申是年顏子年二十九歲髮白又  
三年辛亥年三十二歲秋八月乙未朔二十三日

丁巳顏子卒葬魯城東防山南

論語事見

娶宋戴氏

生子歆

見家譜

按家譜年月及顏子書所載俱有  
不同今據春秋紀年及史記考訂

左如



史記列傳

顏回魯人也字子淵少孔子三十歲顏淵問仁孔子曰克己復禮天下歸仁焉孔子曰賢哉回也一簞食一瓢飲在陋巷人不堪其憂回也不改其樂回也如愚退而省其私亦足以發回也不愚用之則行舍之則藏唯我與爾有是夫回年二十九歲盡白早死孔子哭之慟曰自吾有回門人益親魯哀公問弟子孰為好學孔子對曰有顏回者好學不遷怒不貳過不幸短命死矣今也則亡

世系譜序曰會年七卷

顏氏之先出自黃帝之孫晏安為魯公名夷甫字伯顏子友別封邾為小邾子遂以顏為氏世為魯國卿大夫孔門達者七十二人顏氏有八田居四科之首其後戰國有率躅秦有芝貞漢有異肆安樂魏有斐盛盛字叔臺歷青徐二州刺史關內侯其後子孫咸著官族有若弘都之德行巴陵記室之書翰持進黃門之文章秘監華州之學識肇自魯國格于聖代紛綸盛美舉集于茲述遵前人不敢失墜建中元年歲次庚申秋七月癸亥朔四十一代孫光祿大夫行太子少師充禮儀



使上柱國魯郡開國公真卿重修顏氏家譜序

蓋數百年不來夫劉愷中丞平為文苑中獨有  
之學為奉使魯國郡守望外以命處其樂於  
科也刻詩書之書錄其駐黃門之大筆述龍華  
傳文關的刺無芥子終知善守若前若年備之  
驚首其料要樂騰亦變為海宇殊臺嶺音餘之  
齊人用學口錄之書其野輝國本不與秦東  
為內世亦魯國卿大夫姑門表者士於曰入  
不學美備學則慙于安似挂眼余平張子  
陋巷誌卷一法出自黃帝之終是安

陋巷誌卷二

宗子世系

二代歆字子林魯大夫塋顏子墓東十餘步生子儉

元泰定三年從祀

三代儉魯大夫生子威泰定三年從祀

四代威魯下大夫生子芄

五代芄下大夫生子億

六代億下大夫生子站

七代站下大夫生子卸

八代卸字伯佃秦大夫生子譽



九代譽舍人生子產

十代產項羽聞其名聘之不受生子異

十一代異字世仁漢大夫生子愚

十二代愚漢卿士生子遠

十三代遠漢大夫生子肆

十四代肆一作肆字季遠漢武帝時尚書郎會稽都尉

書傳作駟生子袁

十五代袁一作志作郡工曹從事鞏令生子凱

十六代凱字季卿張禹薦于朝生子遠

十七代遠字景深郡上計吏生子龠

十八代龠字茂宗州舉茂才生子綽

十九代綽字參道生子準

二十代準始仕為從事復高尚不仕生子阮

二十一代阮字懷珍舉有道不起生子亮

二十二代亮字世明一字光祖郡工曹一作郡督郵

見冀州刺史王純碑驗生子殷

二十三代殷字士榮州舉茂才二子斐盛

二十四代斐尹京兆有善政二子魯歡無傳

盛字叔臺一字震漢尚書郎魏歷青徐二州刺史關

內侯始自魯國徙居瑯邪臨沂代傳孝恭因號其



居為孝弟里葬臨沂縣西七里今屬費縣宋元祐  
七年詔禁樵採生子欽

二十五代欽字公若明詩禮易尚書多所通說學者  
宗之歷東中郎將司馬太中大夫東莞廣陵太守  
給事中引直禁省葛繹縣子謚曰貞生子默

二十六代默字靜伯汝陰太守護軍將軍給事中龍  
葛繹縣子唐大曆五年十五代孫以默起真卿立  
碑於汝州三子畿輦舍長次無傳

二十七代含字弘都少有操行以孝聞兄畿咸寧中  
死託夢當復生發棺而氣息甚微闔家營視母妻

不能無倦公乃絕棄人事躬親侍養足不出戶者  
十有三年本州辟不就東海王大傳參軍闔陽令  
琅邪令丞相祭酒東陽太守太子中庶子黃門侍  
郎本州大中正散騎常侍大司農封西平縣侯拜  
侍中吳郡太守國子祭酒散騎常侍光祿勳晉成  
帝美其素行就加右光祿大夫致仕門施行馬賜  
床帳褥被太官四時致膳固辭不受公所歷簡而  
有恩明而能斷然以威風御下王導嘆曰顏公在  
事吳人斂手矣時桓溫求婚以其盛滿不許因誡  
子孫曰自今任官不可過二千石婚姻勿貪世家



致仕二十餘年享年九十三謚曰靖子髦唐天曆  
六年四十四代孫真卿撰太宗碑銘曰鑠吾祖渡江  
許孝通神名軼古凡七葉瑩白下本支分源流溥  
世忠義豐規矩翬鸞鳳炳龍虎文唯渙學鄒魯赫  
才明振區宇亘今昔難悉數嗟末孫慙下武陽耿  
光愧無取豐碑立百世觀

二十八代髦字君道少纂家業博於學行父喪在殯  
鄰家失火公與二弟譙約抱柩號叫燂焰垂至忽  
爾頓絕時人以為孝感儀狀嚴整風貌端美桓公  
見而嘆曰顏侍中廊廟之望也歷太尉西陽王散

騎將軍尚書都官郎中國大中正給事黃門侍郎  
父老不就靖侯亮罷爵西平縣侯加給事中晉陵  
臨川太守侍中本州大中正加秩中二千石光祿  
勳謚曰定子綝

二十九代綝字文和州西散騎都尉西平縣侯子靖  
之

三十代靖之字茂宗郡主簿西中郎行參軍宣城太  
守司徒諮議御史中丞字騰之

三十一代騰之字弘道善草隸書有風格歷州西曹  
主簿度支校尉治書御史巴陵太守五子興之炳



之

三十二代興之安寧太守子登

炳之字叔豹以能書稱歷輔國江夏王參軍奉朝請負外散騎常侍子見遠

三十三代登字康之梁鄱陽王府郎中令無傳

見遠字見遠方正不會於俗博學有志行正色立朝有當官之稱高祖受禪不食發憤痛哭而絕武帝恨之曰我自應天從人何預天下人事而顏見遠乃至如此歷安城王侍郎征西參軍治書御史兼中丞子協

三十四代協字子和湘東王右常侍領西記室享年

四十二撰晉仙傳五篇日月災異圖兩卷文集二十二卷事具梁書四子之儀之奇之推

三十五代之儀字子升同麟趾學士御正大夫平陽

三縣公隋文輔政不署矯詔索璽書又拒之出為集

三州刺史新野郡公時朝朔望引至御榻曰見危授命臨大節而不可奪古人所重何以加卿事具周書享年四十五二子冠昶無傳

之奇無傳

之推字子介湘東國右常侍鎮西墨曹散騎常侍



奏舍人事密奉朝請趙州功曹待詔文林館司徒  
錄事通直散騎常侍中書舍人黃門侍郎平原太  
守同御史上士隋太子文學著家訓二十篇冤魂  
志三卷證俗音字五卷文集三十卷事具本傳子  
思魯

三十六代思魯字孔歸博學善屬文尤工詁訓嘗與  
劉臻講論經義臻屈服焉歷北齊衛府行參軍隋  
祕書省校書郎長寧王侍讀踰岷將軍唐師入關  
率子弟迪干長春官拜儀同秦府記室子師古  
三十七代師古隋安養南海二尉直祕書省校書郎

唐師入關授朝散大夫煇烱公府文學遷起居中  
書二舍人專典機密太宗小即位拜中書侍郎琅邪  
男遷祕書少監奉詔校定經史脩五禮成進爵子  
終祕書監銀青光祿大夫弘文宗文兩館大學士  
從征遼道卒享年六十五謚曰戴子趨庭  
三十八代趨庭字茂實文皇帝挽郎朝散大夫職方  
郎吉州刺史子尚賓

三十九代尚賓右率府親衛鄜州司功益州錄事下

四 邽令子邽

四十代邽子邽



四十一代迺子傳贄

四十二代傳贄子旻

四十三代旻五子長君則無傳次君佐君雅

四十四代君佐金鄉丞子文威

君雅二子文蘊文鐸

四十五代文威五代隱魯之嶧山號虛中先生文集

傳於世子承祐

文蘊鄉貢進士子涉

文鐸贈太常卿平原郡節度副使李闡撰神道碑

并書丹篆額其文剝落惟存篆額曰大周贈太常

卿顏公神道碑子衍

四十六代承祐二子長崇德無傳次仲昌

涉鄉貢進士四子匡朗匡密匡美匡贊俱無傳

衍字祖德戶部尚書侍郎林中石刻曰戶部尚書

墓建隆三年立子櫪

四十七代仲昌淳化二年講五經賜第仕終南京判

官以曾孫岐任執政贈太子少保子太初

四櫪父任為巡官子端

四十八代太初字醇之南京國子監說書號鳧嶧先

生文集傳于世以孫岐任執政贈太傅子復



端祥符元年帝行在曲阜以克國公後特授郊社齋郎終桂陽司理子繼

四十九代復字長道東魯名儒嘗為國子監直講出為臨晉簿嘉祐中訪有道儒士京東部使者以復應試命為校書郎知永康縣擢太常博士言士民禮樂不立請降彛制又乞詔禮官考正祀典遷吏部員外郎時孔宗翰乞尊奉孔子祠復因上五議一曰專其祠享二曰優其田祿三曰復其廟幹四曰司其法則五曰訓其子孫朝廷多從之事具東都事畧元祐中為起居郎兼侍講以天章閣待制

克國子祭酒享年五十七以次子岐任執政贈太師制曰昔漢陳寔以道德高世而其子紀紀子群皆有令名信史書之為盛事今吾顏亦庶幾焉具官某嗣廉深之氣剛而行峻用以立朝言倍而文醇見於垂世早被裕陵之眷晚登延閣之華有子而賢弼吾之爰因聞政之始用獎教忠之能絲法從之舊班正宮師之新扶魂而不昧尚克享之六子曉岐嶮嶮嶮

繼進士世居陞巷故宅子昌

五代曉承務郎建炎南徙自曉以下俱南徙無傳



昌生子肇

五十一代肇生子价

五十二代价生子順

五十三代順生子寶

五十四代寶生子椿

五十五代椿中書工部劄付監脩祖廟提領子之美

五十六代之美字宗德天成縣教諭益都學正廬州

路教授歷山陽縣主簿文林郎東明縣尹生子池

五十七代池字德裕宣德府教授三氏學教授主奉

祀事生子拳

五十八代拳字克膺主奉祀事子希仁

五十九代希仁字士元號景哲正統十一年

欽定主奉祀事生子議

希惠景泰二年行取復聖公子孫特授翰林院五

經博士後以不係嫡派黜罷

六十大議字定伯希仁長子因宗嫡紊亂辨正仍授

翰林院五經博士俾世襲主奉祀事成化元年

賜第於京入

覲馳驛定為常例生子公鉉

六十一代公鉉字宗器議長子襲翰林院五經博士



主奉祀事生子重德

歷代授官恩澤

魏孝文帝太和九年帝如魯城詔拜顏氏二人為官  
唐德宗貞元六年十一月南郊赦書節文授四十一  
代孫顏五品正員官

文宗以四十三代孫從覽為殿中侍御史

弘武同州參軍

後周太祖廣順二年行在曲阜詔顏淵之後以四十  
六代孫涉特授曲阜縣主簿

宋真宗祥符元年行在曲阜以兗國公四十八代孫

一 端特授郊社齋郎

二 仁宗皇祐二年十一月特授惟孜將仕郎處州司

二 事參軍顏似賢守台州司事參軍

高宗紹興五年以顏郡為右脩職郎顏卓補右迪

功郎顏彥補下州文學

四 六年特授顏師禹右迪功郎

元中統建元之初制以舊典立曲阜廟學遴選師儒

充孔顏孟三氏子孫教授正錄各一員訓其子弟

比之常例優加擢用其三氏子孫入國學者俾同

朝官子例任教官者比常例每減一考入流



中統三年差揚庸充廟學教授欽奉聖旨據孔顏孟之家皆聖賢之後也自兵亂以來徃徃失學甘為庸鄙朕甚憫焉可令揚庸教授先生務要嚴加訓誨精通經術以繼聖賢之業宜令准此  
國朝景泰二年詔顏氏宗子世襲五經博士一員遂著為令

歷代聞達子孫

二十六代閔敏一作字叔明散騎常侍欽季子

二十八代謙字子讓安城太守含次子

約零陵太守含季子

二十九代綸廷尉正髦次子

暢州西曹髦第五子

熙散騎常侍

顯護軍司馬約次子

三十代秉之字敬宗散騎常侍琳次子

邵之領軍司馬竟陵太守暢子

根字道熙治書御史晉安太守熙長子

三實字道安御史大夫永安太守熙次子

系之益州刺史顯長子

延之字延年金紫光祿大夫散騎常侍湘東王師



贈特進謚曰憲顯次子

坦之東陽太守顯季子

三十一代遵之散騎常侍靖之次子

恭之司徒譙王主簿靖之季子

希之部郎中新安太守乘之次子

三師伯字長淵待左右僕射丹陽尹平都子

師仲中書侍郎

僧超徐州刺史

二徽之散騎常侍

二竣一作字士遜丹陽尹吏部尚書右將軍東陽州

刺史延之長子

測臨淮太守延之次子

煖兵部尚書延之季子

三躍東湘太守延之第四子

三十二代幹襲父爵師仲子

三十三代宣仁巴陵王參軍炳之次子

幼明征虜記室

三翻廣州刺史梵次子

三積中書郎

三十四代挺山陽太守



晉交州刺史

三十五代之善隋葉縣令協第四子

三十六代和寧仁令之儀次子

愍楚直內史省之推次子

游秦典校祕閣

順隋汝南侯侍讀之善長子

三十七代相時字睿天策府學士禮部侍郎思魯次

子

勤禮字敬之幼而朗悟識量宏遠工於篆籀尤精

誥訓太宗平京城授朝散大夫校書郎右領左右

府鎧曹輕車都尉直祕書省雍州參軍著作佐郎

詹事主簿太子直監宗賢弘文兩館學士永徽元

年三月制稱君學藝優敏宜加獎擢拜蔣王文學

陳王屬遷曹王友陞著作郎出為夔州都府長史

加上護軍賜號州刺史太宗嘗命蕭鈞贊其行有

曰依仁服義懷文守一履道自居下帷終日德彰

素呈行成蘭室鶴鑰馳稱龍樓委質當代榮之曾

孫真卿撰神道碑思魯季子

育德敏德作太子通事舍人司經校定書史思魯第

四子



利仁祕書郎

有意沔州刺史

博古延陵丞

三十八代揚庭符璽郎蔣王侍讀太子通事舍人

光庭職方郎涉縣令注後漢書

欣期著作郎

益期詳正學士

昭甫字周卿少聰穎而尤工篆隸草書與內弟殷仲容齊名而勁利過之特為伯父師古所賞凡所注釋必令叅定焉歷汝南郡太守曹王屬曹王晉

王侍讀時有獻玉鼎篆書二十餘字舉朝莫能識

公盡讀之至德三載四月贈華州刺史孫真卿上

表謝肅宗批答云卿之乃祖嘗為碩儒既高倚相

之能遂有臧孫之後不墜其業在卿之門式覃追

遠之恩俾榮貽厥之慶加贈方岳以表哀榮所謝

知勤禮長子

敬仲吏部郎中平昌縣男劉玄子撰神道碑勤禮

次子

康成永徽二年狀元擢制科太子舍人崇文學士

育德長子



強學進士制舉校書郎育德次子

希莊進士銀青光祿大夫和州刺史育德季子

中和渝州刺史

日損大基丞

三十九代隱朝進士拔華河北尉

匡朝胸山令

元淑校書郎

志正下邳令

志恭右衛翊衛

志廉右衛翊衛

志謙贊善大夫

志宣殿中侍御史

景靈校書郎

元孫字聿修少孤養於舅氏殷仲容家聰銳絕倫

年十歲李逸聞其少俊請與相見座中試安石榴

賦少頃君援翰立就不加點竄李逸大驚嗣聖元

年舉進士素未習尚書六月兼注畢究省試九河

銘高松賦考功郎劉竒特榜標異之銘賦二道既

麗且新名動天下解褐彭城簿歷登封長安二尉

洛陽丞著作佐郎太子舍人時玄宗監國獨掌令



詰當時以為綸言之最蒙命召或以次進玄宗曰  
今日非也喚長舍人來遂御小殿賜食因出諸家  
書跡數十卷曰聞君能書可為寡人定其真偽君  
分別以進玄宗大悅因賜綵藤筆墨衣服等物嘗  
和遊苑詩御札八分批答曰孔門稱哲宋室聞賢  
翰墨玄捷莫之與先出為潤州長史遷滁沂二州  
刺史終朝散大夫豪州刺史上柱國開元二十年  
秋七月三日卒五子春卿果卿暉卿旭卿茂卿曾文  
集三十卷著干祿字書一卷並行于世制加褒贈  
姪真卿上表謝代宗批答云卿之先伯當代詞宗

道臨國經行推入表上弘祖德下獎門閥鄭公不  
亡臧氏有後雖雲雨之澤自葉流根然訓誨之方  
因父見子永惟盛烈式寵代官不朽者名斯為極  
矣昭甫長子

惟貞字叔堅少孤育舅氏殷仲容家蒙教筆法貧  
無紙以黃土掃壁木石畫而習之故特草隸擅名  
天授元年判入高第受衢州參軍溫縣永昌二尉  
遂代兄為長安尉遷太子文學拜薛王友加勳上  
柱國因伯姊御史大夫張知泰妻魯郡夫人亡將  
塋數家占君不宜臨壙君哭而拒之曰豈有忘手



足之痛牽拘忌而恐自絕乎弗從其年秋七月才  
生明遭疾而歿七子闕疑允南喬卿真長幼與真  
卿允臧累贈祕書少監國子祭酒太子少保子真  
卿上表謝肅宗批荅云卿之先人德行優著學精  
百氏藝絕六書頻擢甲科屢升循政曳裾王府名  
右鄒枚載筆春宮道高徐阮既而壽乘華髮器紆  
青雲業載史臣慶傳令子追存盛美褒贈崇班且  
旌善於義方俾揚名於有後昭甫次子

會宗襄陽參軍

孝友楚州司馬

澄右衛翊衛

潤涪城尉

恭敏有德行明漢書武功尉希莊第七子

知微制舉伊闕丞希莊第九子

大智并州錄事參軍

隣幾校書郎

四十代是有清節饒陽司士

允濟好屬文掄次尉

挺萬年尉

廣成將軍



春卿以明經擢第拔萃科歷浦蜀二縣尉舉茂才  
翼城丞偃師丞元孫長子

杲卿字昕門廕補齋郎江遂二郡司法方正精敏  
開元中興兄春卿弟曜卿允南書判超等同日於  
銓庭當官正色舉劾無所迴避以清白名聞除韓  
南判官功遷鄭州司馬魏郡錄事范陽戶曹安祿  
山營田判官充光祿寺丞遷河北度支判兼節度  
行倉朝散大夫太常寺丞兼常山太守祿山反開  
土門拜衛尉卿御史中丞制書未下城陷祿山讓  
公曰我擢汝為太守何負於汝而乃及乎公曰吾

代受國恩官職皆天子所與汝叨受恩寵仍懷悖  
逆吾寧負汝豈負本朝乎臊胡狗何不速殺我叱  
罵不已遂支解鈎舌而死初公被懸首於右金吾街  
樹有張湊者哀其髮收謁玄宗俄見夢云禦捍處  
多兵馬少玄宗哭而設祭焉後湊以髮至夫人疑  
之憑床而哭忽聞聲如鞭床者發箱髮相跳而前  
夫人驚駭信之年六十五三子泉明威明李明乾  
元元年贈太子太保謚曰忠節子姪為賊所害者  
八人並贈五品建中元年重贈司徒弟真卿上表  
謝肅宗批云自逆胡猖狂入我河縣所在官更多



受迫脅卿兄以人臣大節獨制橫流或俘其謀主  
或斬其元惡當以救兵懸絕身陷賊庭旁若無人  
歷數其罪手足寄於鋒刃忠義形於顏色古所未  
有朕甚嘉之盛烈既冠於當時寵名宜及於泉壤  
元孫次子

曜卿工詩善草隸年十六詞學直崇文館歷城丞  
終朝散大夫淄川司馬元孫季子

旭卿美姿儀善草隸胤山令元孫第四子  
茂曾訥言敏行頗工篆籀嘉陵司馬元孫第五子  
闕疑孝友仁讓專精詩傳春秋杭州叅軍惟貞長

子日平平四十八

允南字去惑孝弟聰睿工為詩判屢入高等家嘗  
有折脛鶴真卿少年時戲書其背切責曰此雖不  
能奮飛意不惜其毛羽矣不仁之甚歟其側隱如  
此開元十五年以挽郎入高第受鸚鵡射右衛兵  
曹領軍錄事江南經畧判官大理評事左補闕吏  
部侍郎時真卿為殿中侍御史每至朝賀宰相以下  
登殿者不過三十人而公與真卿二人拱法座於  
會元殿蹈舞而衣接焉故公賦詩云誰言百人會  
兄弟也露陪遷殿中侍御史忤楊國忠貶襄陽丞



移河東司戶京兆士曹屯田員外司膳司封二郎  
中時真卿以尚書兼大夫免職又為殿中兄弟三  
人同時臺省時人欽羨焉尋為國子司業累官正  
議大夫上柱國金鄉縣男享年六十九寶應元年  
十一月十日卒惟貞次子曾大點精學志蘇開元  
喬卿仁友精晉史有吏才富平尉惟貞季子  
真長清直舉明經進士惟貞第四子曾大點開元  
幼輿字令軋仁和有蘊籍精班漢書進士齋郎歷  
新息簿左衛帥府兵曹賜緋魚袋天寶九載七月  
三日卒年四十八惟貞第五子

真卿字清臣景龍三年生少勤學業以孝聞有詞  
藻尤工書開元二十二年登第授校書郎又擢博學  
宏詞科受醴泉尉清白名聞除長安尉歷三院御  
史制云文學擅於登科器幹彰於適用宜先汗簡  
之職俾佇埋輪之效時五原有寃獄不決公理之  
時方久旱而甘澤立應郡人呼為御史雨遷平原  
太守兵部員外戶部侍郎兼領平原郡防禦使又  
加河北採訪招討使仍賜詔書云卿之一門義冠  
千古肅宗即位賀上皇表批答云兇逆亂常侵侮  
中夏潼關失守京國不寧朕因涉岐梁至于巴蜀



遂命皇帝肇登寶曆爰靜妖氣今官軍益振回紇  
効款即擬南行共為剪滅卿忠惟奉國孝則保家  
懷不二之心秉難奪之操皇帝累申寵命兼以崇  
班宜有懋於深功且用光于重守還工部尚書憲  
部尚書上讓表肅宗批荅卿才推翰苑望重朝廷  
昆弟成名俱効忠節頃蜂蠆縱毒郡邑多虞卿能  
審事宜捍禦兇盜雖平原不守而功效殊高自遠  
歸朝深副朕望允膺曳履之命無至免官之請除  
御史大夫謝上表肅宗批荅云卿德重才博久而  
益彰深竭忠貞克著名節乃今再造區夏藉卿以  
振朝綱曳履之榮允膺其象弄印之寵無以易卿  
既簡朕心不至謙讓所謝知貶馮翊太守謝上表  
肅宗批荅卿夙負名器列在朝廷委弄印之傳兼  
曳履之寵而乃事乖執法情未滅私朕以舊勳遂  
從寬宥今左輔之郡凋弊之餘宜加撫存以申來  
効所謝知除蒲州刺史謝上表肅宗批荅卿簪紱  
之端名節素重出鎮藩翰克効忠節况自同及蒲  
襟帶相接宣風布化實佇於卿特委股肱尤當勉  
勵防禦恤隱必應事宜所謝知除昇州刺史克浙  
西節度兼江寧軍使謝上表肅宗批荅卿學行有



聞謀猷克壯屢經寒歲不改松筠且江寧古之帝  
都實為巨防自非宿德其可濫居委卿忠誠俾當  
連師宜弘籌略為朕緝綏所謝知除刑部侍郎乾  
元三年庚子公年五十二為刑部侍郎三月戊辰  
乞御書天下放生池碑額表臣聞帝王之德莫大  
於生成臣子之心敢忘於讚述臣去年冬任昇州  
刺史日屬左驍衛右郎將史元琮中使張庭玉等  
奉宣恩命於天下州縣臨江帶郭處各置放生池  
始于洋州興道迄于昇州江寧秦淮太平橋凡八  
十一所恩霑動植澤及昆蟲發自皇心徧于天下

歷選列辟未之前聞海隅蒼生孰不欣喜  
揆愚昧輒述天下放生池碑銘一章又以俸錢於  
當州採石兼力拙自書蓋欲使天下元元知陛下  
有好生之德因令微臣獲廣昔賢善頌之義遂縮  
寫一本附史元琮奉進兼乞御書題額以光揚不  
朽緣前書點畫稍細恐不堪經久臣今謹據石擘  
窠大書一本隨表奉進庶以竭臣下悽悽之誠特  
乞聖恩俯遂前請則天下幸甚豈惟愚臣昔秦始  
皇暴虐之君李斯邪諂之臣猶刻金石垂於後代  
魏文帝外禪之主鍾繇偏才之佐亦於繁昌立表



頌德况陛下以巍巍功業而無紀述則臣竊耻之  
謹昧死以聞伏增戰越肅宗批朕以中孚及物亨  
育為心凡在覆載之中畢登仁壽之域四靈是畜  
一氣同和江漢為池魚鼈咸若卿慎微盛典潤色  
大猷能以懿文用刊藥石體含飛動韻合鏗鏘成  
不朽之立言紀好生之上德唱而必和自古有之  
情發于中予嘉乃意所請者依八月貶蓬州長史  
員外遷利州刺史除戶部侍郎謝上表代宗批卿  
門傳儒行代挹公才忠義在躬幹蠶從政頃升八  
座式昭水鏡之規往鎮兩河能鳴風雨之悔比雖

因事見貶今則念舊錄功然以地官務殷惟才是  
屬用行所舉殊愜朕懷所謝知改吏部侍郎謝上  
表代宗批卿鬱然詞宗雅有朝望高標勁節歷霜  
霰而不渝握鏡懸衡鑒人倫而式叙是用特加命  
數光乃純臣復銀青之舊階鳴水蒼之雜佩佇聞  
密啓以定九流舉其朝綱僉曰惟允所謝知除江  
陵尹兼御史大夫荆南節度觀察使謝上表代宗  
批答卿明邁偉才忠貞壯節夙推公器累踐周行  
專城高翹尚之勲會府著山濤之績而七澤交帶  
三江要衝式資統尹之才雅屬旌旄之寄人存政



舉其在茲乎所謝知除尚書左丞檢校刑部尚書  
兼御史大夫充朔方行營宣慰使與陝州別駕吉  
州別駕遷撫州刺史湖州刺史本州團練守捉使  
拜刑部尚書充禮儀使拜太子少師使如故遷太  
子太師積官至光祿大夫初封丹陽縣子進爵侯  
又進爵公改封魯開國公食邑三千戶前後歷官  
三十三集四十二考建中四年宣慰李希烈叛陷  
汝州詔公為淮寧宣慰使乘驛馳至希烈相見宣  
傳詔意詞不屈志不撓賊黨乃交刃脇之公視之  
凜然責以悖逆遂拘公虐毒萬計期公毀節公曰

顏假一劍豈勞多端服義而終乃其所也賊竟不  
敢逼後移蔡州有移蔡帖云貞元元年正月五日  
真卿自汝移蔡天也天之昭明其可誣乎有唐之  
德則不朽耳十九日書是年八月二十四日過宮  
於龍興寺春秋七十七明年淮泗平二子迎其喪  
陳仙竒使護喪歸儀仗送墓中使吊祭賻錢五十  
萬粟三百石朝野莫不哀傷德宗痛悼異常廢朝  
五日謚曰文忠制加褒贈且及二子顏頤按藝文  
志行狀神道碑公佐吉州有廬陵集十卷刺撫州  
有臨川集十卷刺湖州有吳興集十卷韻海鏡源



三百六十卷為禮儀使有禮儀集十卷今並逸而不傳文集十五卷見傳于世前後所上表章撰述碑文具載文集至元三年於費縣東魯公祠創立顏魯公書院設山長一員惟貞第六子

允臧字季寧歷太康尉制舉延昌令監察御史賜緋魚袋朔方衣資使郭子儀判官除殿中侍御史兄真卿上表謝肅宗批卿昆季連輝才聲並振俱守寒松之操允執後凋之心又冒艱危大節難奪安以憲臺之長克申白簡之威厥弟之遷亦為官擇宜相勸勉各樹能名留代榮之出為櫟陽令時錄

事有奸犯者君立榜殺之豪強惴恐一縣屏息遷侍御史轉大理正復拜侍御史兼太子中允廣德三年十月拜江陵少尹又兼侍御史充荆南行軍司馬屢詔徵入未行冬十一月五日卒累官至朝請大夫勳上柱國享年五十九惟貞第七子

舒制舉長安尉  
說明經渭南丞

勝進士左補闕

振高陵丞

溫之有志行舉方正



抱范陽尉

式宣進士殿中侍御史

渾太子通事舍人

方僑進士官門丞

茂齊漢中司法

順進士評事

四十一代觀歷義清脩武元和三縣令茂曾次子

丞搆瀘川丞

逸好文武康令

遷金水令

鱗長安尉

紘方義主簿劍南州官歿於蠻

詔有才氣工詩策進士

泉明孝義安平尉佐父開土門受左金吾兵曹遷

鄆縣令終彭城司馬杲卿長子

威朗父死事受太僕丞鄧州司馬東陽縣令杲卿

次子

季明祿山所害時年十八贈贊善大夫杲卿季子

通明項城獲嘉二縣尉鄆縣丞曜卿次子

沛明祿山所害贈尚食奉御曜卿第三子



襲明壽昌尉曜卿第四子

徽明祕書少監曜卿第五子

德明右衛兵曹參軍曜卿第六子大夫景卿季子

將明綿州昌縣尉

慈明仁順幹盛都水使者關疑次子刺銀公景卿

詡祿山所害贈右贊善大夫

翹杲卿伯父死事在漢州戶曹華原簿温縣丞通

議令旭卿長子

仙期右金吾大將軍贈鄭州刺史旭卿次子

靚監尉茂曾長子

副昌左武衛曹上柱國河東行軍兵馬使

峴解州巡官監察御史右贊善大夫茂曾第三子

覲弘文進士

顯仁和有政理蓬州長史遂安令常熟令封金鄉

縣男關疑長子

啓温江尉

穎祕書郎京兆功曹襲封金鄉縣男終楚州刺史

允南次子

頽叔父真卿遺奏事上文章受校書郎允南長子

頽都水使者



頊大理寺少卿南營田判官喬卿長子

頊奉禮郎常熟簿安南太守任城男喬卿次子

頊江陵叅軍浚儀尉越州長史鄒縣男喬卿第三子

頊常陽簿河南尉喬卿第四子

頊河東叅軍清河尉費縣男幼輿長子

頊奉禮郎

頂武功丞世徒令幹辨揚府寺丞嶧縣男幼輿次子

子 頊鳳翔叅軍曹王 頊國 頊東 頊軍 頊兵 頊尉

頊鳳翔叅軍曹王 頊國 頊東 頊軍 頊兵 頊尉

頊朝邑尉萬年令幼輿季子

頊工隸書魯公守平原贖于劉正臣太子洗馬鄭

王府司馬 頊右率倉曹櫟陽尉河東士曹沂水男真卿長子

頊祕書正字涇陽尉殿中侍御史福州都團練判

官新泰男真卿次子

頊祿山所害贈太子洗馬允臧長子

頊京兆叅軍歙州錄事曲阜男允臧次子

頊富陽尉吳縣簿監察御史埴橋院官允臧第三子

子

子



顯常州參軍撫州刺史

穎河南府工曹校書郎

準宣州溧水縣尉旭卿第三子

頽明經大理司直

克明崇文生長林尉

四十二代傳興和州刺史慈明子

迨都水使者

誕祿山所害義王諮議左庶子泉明長子

証祖死事左內倉曹歷大理少卿員外桂州觀察

使御史中丞泉明次子

諒廣德尉正元六年注錄家狀泉明第三子

評祖死事受兵曹百歷新都丞泉明第四子

誼金曹尉泉明第五子

謨左府兵曹參軍

註睦州建德縣丞威明長子

詒順王府錄事參軍威明次子

諗河南參軍

讚塩州刺史防禦使工部尚書御史大夫德明次

子

詢乾符四年登第準次子



澹於潛簿顯次子

礪昌明令

琮同州韓城二縣令碩長子

璋海陵縣尉碩次子

湘蔡州司馬參軍郎山尉碩季子

四十三代逸休會昌六年登第鄭縣令撰文飛應詔

文集傳于世

逸少咸通六年甲科第二人左拾遺

紹滁州清流縣尉讚子

四十九代公弼熙寧二年進士華縣令太初次子

隨進士三原縣丞太初第三子

五十一代岐字夷仲詔察孝弟詞學贈出身門下侍郎

資政殿學士正奉大夫魯郡侯建炎扈蹕南徙復

次子

五十五代敬中書工部劄付監脩提領寶第四子

五十六代之克字宗禮東阿縣教諭昇次子

之才字宗藝衛輝學正椿子

五十七代湊寧陽縣教諭之晡子

六十二代重道字尚中中奉大夫宗人府儀賓公鉉

第三子



六十三州重版字向中甲奉大夫宗人前副實公從  
正平子外務軍判書承倫之節子

正平子外務軍判書承倫之節子

正平子外務軍判書承倫之節子

正平子外務軍判書承倫之節子

正平子外務軍判書承倫之節子

陋巷誌卷二

三原縣志卷二

三原縣志卷二

陋巷誌卷三

陋巷井宅

孔廟東北六百舉武有園曰顏樂亭亦曰顏樂井

曰顏井即陋巷故宅也歷代顏族世守之宋熙寧

間重建金明昌五年重修歲久亭廢元元貞間宣

聖五十三代孫襲封衍聖公治命顏族復構亭於

故基繚以崇垣植桃李於其中三氏子孫教授張

頴礬石刊亞聖克國公像於亭中亭之四匝有地

廣袤各五十九尋有五尺園亭古檜十有四株所

出之物以供祭祀延祐四年七月南臺監察御史



段傑建言重修克國公廟宇建正殿五間轉廊一  
滴水單簷五鋪座繪塑兩廡神門所費取足於江  
南儒學錢穀內撥付鈔八百七十六錠泰定三年  
以鈔七十錠買地二畝於園之北北底官道奉勅  
新建亞聖克國公廟于其中經始於泰定三年三  
月落成於致和元年八月惟門闔階砌垣墉尚未  
完天曆二年十月都省移文江浙行省續給學糧  
內鈔二百六十錠米五十石訖工冬十一月丁丑  
朔十六日壬辰宣聖五十四代孫襲封衍聖公思  
晦暨曲阜縣尹孔思凱等顏氏五十五代孫族長

秘會集諸孫預行告禮自東廟遷聖像于新廟是  
日亞聖克國公誕辰也謹修祀事禮同時享

國朝洪武十五年五十七代孫顏池請於官重修廟  
貌正統年間五十九代孫顏希仁聞於

朝重建成化二十二年六十一代孫顏公鉉奏聞於  
朝因廟年久請復修理規模宏敞視昔有加內有樂  
亭退省堂遠賓齋未完停工弘治十五年仍復傾  
頽公鉉復聞於

朝

林墓

上命有司會計銀一萬一千二百三十一兩五錢三分



六釐正德二年鼎新脩建  
林墓

魯城東二十里防山之陽有顏林石刻曰先師充國公之墓墓前一石鐫兩甲士背負而坐一執斧一執金吾又一碑湮沒不存惟坐跌在墓高丈餘林木森鬱其地廣袤各一百五尋有五尺少東村曰上宋有祀田六十畝歲收其租以奉時祭

侍郎林

顏氏自晉唐以來為黃門中書門下侍郎及部侍郎者前後凡一十三人故世號顏侍郎林也在魯

城東北隅西至陋巷祖庭三里餘南隣官道即今族屬皆葬此林其地周圍二里餘也按任昉述異記云曲阜古城顏林墓上石楠二株可四十圍土人云顏淵手植之木今已不存姑附于末

俱見家譜

兗州顏廟

魯城西南三十里延亞聖充國公所封之國有祠西隣于

宣聖之廟閱歲迨不可考歷代以來官為修葺兵革之餘殿廡頽圯基趾荒蕪崇寧元年重脩碑石尚在其文剥落元大德中監州龔業先重脩正殿三



楹端門一所垣墻仍舊圍廟有地二十畝歲收其  
入有司以供時祭至元三年創立亞聖書院設山  
長一員

戶役

國朝景泰六年九月以顏廟設門子四戶常川看守  
十二月賜田給佃戶十戶

成化六年十一月撥廟戶七戶以備看守

十八年十二月復賜二十五戶以充洒掃十圍土

謚號

唐太宗貞觀二年尊顏子為先師

高宗總章元年四月乙卯贈顏子太子少師

睿宗太極元年二月十六日贈顏子太子太師

玄宗開元二十七年八月追贈先師為兗公

顏無繇贈杞伯

顏幸贈蕭伯

顏高贈琅邪伯

顏增贈朱虛伯

顏之僕贈東武伯

顏何贈開陽伯

顏祖贈臨沂伯



宋真宗大中祥符二年五月進封顏子兗國公

祀伯顏無繇進封曲阜侯

蕭伯顏辛進封陽穀侯

琅邪伯顏高進封雷澤侯

朱虛伯顏噲進封濟陰侯

東武伯顏之僕進封宛句侯

開陽伯顏何進封堂邑侯

臨沂伯顏祖進封富陽侯

度宗咸淳三年正月以顏子配享孔子位在曾參

孔後孟軻之右

元文宗至順元年七月進封顏子兗國復聖公

順帝元統三年五月三日進封曲阜侯顏無繇祀

國公謚文裕

進封杞國夫人謚端獻

加封兗國復聖公夫人謚貞素

謚議

所貴乎聖賢之學傳之於前者有所宗授之於後者有所統統宗之正炳如日星故愈久而愈得其真也曲阜侯顏路魯之君子孔門高弟忘其貧約依歸聖人其日用常行之間道德之言仁義之行



耳濡目染心感神會固以薰陶而成其德矣况有  
亞聖之嗣同師聖門簞瓢陋巷不改其樂用舍行  
藏庶幾於道七十子之中夫子獨稱其賢延譽衍  
慶使過庭之訓至今有耿光豈非傳授得統宗之  
正者歟宜乎有國家者崇爵錫號而脩食廟庭於  
無窮也謹按謚法道德博聞曰文德垂後昆曰裕  
請謚文裕庶表至公

### 章服

宋徽宗崇寧四年從國子司業蔣靖之請詔太常寺  
看詳亞聖克國公所服依五禮新儀公合服九旒

晉冕所有逐等名件彩色章數乞從本寺報國子監  
從之

金世宗大定十四年國子監起請大成殿聖像以克  
國公像九章九旒曲阜侯冕七旒服七章

元元統三年五月三日改曲阜侯冕九旒服九章用  
山龍華蟲藻火宗彝粉米黼黻

### 禮典

漢高祖十二年東巡狩過魯以太牢祀孔子以顏子  
配享

明帝永平十五年東巡至魯幸孔子宅祠及顏子



章帝元和二年幸魯以太牢祀孔子及顏子等作  
六代之樂大會孔顏六十餘人

安帝延光三年過魯祀孔子及顏子等  
靈帝光和元年始置鴻都門學畫先聖孔子及顏  
子像

魏文帝黃初元年二月初講論語通太牢祀孔子于  
辟雍以顏子配享

五年講尚書通太牢祀孔子于辟雍以顏子配享  
七年講禮記通太牢祀孔子以顏子配享

齊王正始二年以太牢祀孔子以顏子配享

晉武帝泰始二年詔魯國四時備三牲祀先聖以顏  
子配享

東晉寧康二年十二月癸巳釋奠于中堂祀孔子  
以顏子配享

後魏太武帝始光三年二月起太學於城東祀孔子  
以顏子配享

宋文帝元嘉十九年十二月以太牢祀孔子以顏子  
配享

北魏太平真君十一年進至魯郡以太牢祀孔子以  
顏子配享



北齊文宣帝天保元年令魯郡以時脩葺坊內立孔  
顏廟宇遣使致祭又制春秋二仲釋奠于先聖先  
師

隋制國子寺每歲以四仲月上丁釋奠先聖先師  
唐太宗貞觀二年房玄齡朱子奢建言武德中以周  
公為先聖孔子配享臣以為周公尼父俱稱聖人  
庠序致奠本緣夫子故晉宋梁陳及隋故事皆以  
孔子為先聖顏回為先師歷代所行古今通允伏  
請停祭周公尊孔子為先聖以顏子配享

晉二十一年詔皇太子於國子學釋奠於先聖先師

高宗顯慶二年長孫無忌言漢魏以來取舍各異  
孔子顏子互作先師周公尼父迭為先聖

乾封元年正月車駕發泰山至曲阜親幸祠廟以  
太牢祀先聖先師

玄宗開元十三年十一月封泰山幸魯致祭先聖

先師

十八年三月十八日國子司業李元瓘奏言在  
京國子監宣聖廟堂先師顏子配享今其像立侍准  
禮授坐不立授立不跪况顏子道亞注知才先入  
室既當配享其儀見立請據禮文合從坐侍制曰



顏子等十哲宜為坐像悉令從祀以顏子亞聖親  
為製贊書于石

宋太祖建隆三年以太宰祀先師堯國公配享  
真宗祥符元年遣官以太宰祀先聖先師  
仁宗嘉祐六年遣兗州通判田詢以太宰致祭文  
宣王以兗國公配享  
神宗元豐六年詔封孟軻為鄒國公配享次於顏  
子  
高宗紹興十四年三月十四日御製祝文致祭堯  
國公

理宗咸淳二年致祭堯國公  
宋崇寧四年致祭于先師堯國公

金章宗明昌五年致祭先師堯國公  
元世祖至元二年七月遣集賢學士王德淵以牲牢  
庶羞致祭于亞聖堯國公

成宗大德二年九月初二日致祭先師堯國公  
仁宗至大四年十月初四日登寶位遣資政大夫  
國子祭酒劉賡致祭先師堯國公

順帝元統二年六月丁巳朔遣中書省掾鄧昌世  
以太宰致祭先師堯國復聖公



國朝永樂七年遣禮部員外郎饒希致祭于克國復

聖公

景泰二年二月初二日

駕幸太學擇真先師孔子以陳懋分獻顏子

欽取孔顏孟三氏子孫陪祀以五十九代主奉祀事嫡

孫顏希仁等二人赴京陪祀

賜紵絲衣各一套仍賜宴于禮部

景泰六年九月二十九日該太監舒良傳奉

聖旨顏子孟子程明道程伊川朱文公恁禮部行在有

司與他整理祠堂有的修理無的蓋造務要時常

修理不許損壞春秋猪羊祭祀欽此傳奉到部除

欽遵外欲行翰林院撰祭文每設禮生依時陳設

命掌禮門子四戶常川看守通行欽遵未敢擅便今

將祭祀品物開坐本月三十日掌部事少傳兼太

子太師本部尚書胡濙等於

奉天門奏奉

聖旨是欽此該禮部格字四百九十一號勘合行在有

司每遇春秋上丁日先期備納送赴主祭官就差

合用執事人等於神厨內成造不許怠慢廢弛

瀆



祭品

猪一 羊一 大羹 和羹 魚醢 兔醢

醢醢 藁魚 鹽 芹藟 菁藟 韭藟

笋藟 棗 栗 榛 苓 芡 黍

稷 稻 梁 酒 香 燭 帛

成化元年三月初十日

駕幸太學以其官分獻顏子

命禮部主事張謹行取孔顏孟三氏子孫陪祀以

十代孫翰林院五經博士顏議并族人二名

陪祀

賜紵絲衣一套冠帶仍賜宴于禮部族人各紵絲衣

一套

弘治元年三月初九日

駕幸太學以少傅兼太子太師吏部尚書謹身殿大

學士劉吉分奠顏子臨期有小功服迴避以左侍

郎劉宣補之

命禮部主事李雲行取孔顏孟三氏子孫以六十一

代孫翰林院五經博士顏公鯨族人二名赴京陪

祀

賜紵絲衣一套冠帶族人各紵絲衣一套仍賜宴于



禮部

正德元年三月初日

駕幸太學以少傅太子太師吏部尚書華蓋殿大學  
命士劉健分奠顏子

命禮部主事張潛行取孔顏孟三氏子孫以翰林院  
五經博士顏公鉉族人二名赴京陪祀  
賜紵絲衣一套冠帶族人各紵絲衣一套仍賜宴于

禮部

給田

元泰定五年撥賜田三十頃以供顏氏春秋祭祀

國朝景泰六年清查前元撥賜田三十頃添給賜田  
二十頃

免役

唐玄宗開元十三年詔顏子子孫並免賦役  
金章宗明昌五年詔先師克國公後免賦役

元太宗九年詔顏氏子孫奉上絲綿顏色稅石軍役  
聖旨大小差發并行蠲免

世祖至元二年詔顏氏子孫並免賦役

成宗大德二年九月以克國公子孫地稅大小差

免



發盡行除豁不屬州縣所管  
國朝洪武元年十二月十九日禮部崔尚書等官於  
謹身殿西廊下欽奉

聖旨顏氏惟太宗免差餘枝不免欽此

正統七年五十九代孫希仁言於  
上以顏氏子孫並免差役

陋巷誌卷四

誥勅

唐玄宗開元二十七年追贈兗公制曰門人三千見  
稱十哲包夫衆美實越等夷暢元聖之風規發人  
倫之耳目並宜褒贈以寵賢能其顏子既云亞聖  
須優其秩

宋真宗大中祥符二年進封顏子兗國公詔曰朕乃  
封巒禪社昭列聖之鴻勳崇德報功廣百王之彛  
制洎言旋於闕里遂躬謁於魯堂瞻河海之姿粹  
容穆若出洙泗之上高風凜然舉茂典之有加期



斯文之益振由是推恩世胄併錫其寵章祇事祠  
庭廣增其奉邑念性與天道德冠生民議茲玄聖  
之名異廣嚴師之禮兼朕親製以表崇儒至于四  
科鉅賢並超五等七十達者俱增列秩仍命案察  
分紀遺烈式盡褒揚之旨庶資善誘之方宜令中  
書樞密院三司兩制丞郎待制館閣直館校理分  
撰贊以聞

元至順二年加封顏子父母誥朕惟孔子之道大矣  
學之以復諸聖傳之而得其宗者其惟顏氏乎崇  
其道而褒封其所自出禮也故列聖以來於孔孟

之考妣亦既褒錫之矣朕迪民興學議禮考文爰  
命有司稽顏氏之先世封之宗國節以壹惠顧豈  
私於其家哉享祀有嚴永世無極父無繇可贈祀  
國公謚文裕母齊姜氏追封祀國公夫人謚端獻  
追封顏子夫人誥朕惟顏子脩食於孔聖春秋釋  
奠為郡國通祀又有廟於魯其子孫祠祭宜如孔  
氏家人之禮爵秩固當極其配焉夫德足以相其  
君子則今之歆于世享以比隆闕里之家不亦宜  
乎妻宋戴氏可追封充國夫人謚貞素  
加封顏子充國復聖公誥朕惟孔氏之門入聖入



之域顏子一人而已觀其不遷怒不貳過以成復禮之功無伐善無施勞益著為仁之效蓋將不日而化矣惜乎天不假之年也朕緬懷哲人留心聖學將大新於風教故特侈於褒加於戲用之則行舍之則藏雖潛德一時之不顯吾見其進未見其止顧聖言百世而彌彰尚服寵光丕隆文治可加封亮國復聖公

唐廣德二年追贈朝散大夫顏元孫為上柱國制曰故豪州刺史上柱國顏元孫懿道淳茂宏材特達傳經成業聚學為文清白著於家風聞望光於遠

宋選久膺揚歷爰寄藩條政有其方績宣其用未登大任遽迫流年九原不作郡邑存其遺愛二子象賢艱難立其名節忠能徇國孝在榮親贈以世官揚其大烈

貞元二年追贈顏真卿為司徒詔曰君臣之義生錄其功歿厚其禮况才優匡國忠至滅身朕自興嘆勞於寤寐故光祿大夫守太子太師上柱國魯郡開國公顏真卿器質天資公忠傑出出入四朝堅貞一志屬賊臣擾亂委以存諭拘脅累歲死而不撓稽其盛節寔謂猶生朕致貽斯禍慙悼靡及



式崇嘉命兼延爾嗣可贈司徒仍賜布帛五百端  
二子顏頌等制終所司奏超授官秩  
文宗特授顏從覽等官秩制曰朕每覽國史見忠  
烈之臣未嘗不嗟嘆久之思有以報如聞從覽弘  
式實真卿之孫永惟九原既不可作旌其嗣續諒  
協典彞考績已深於宦途者命列於中臺官次未  
齒於縉紳者俾佐於左輔庶使天下再新義風以  
唐四十三代孫從覽為殿中侍御史以弘式為同州  
參軍

宋太宗淳化二年贈顏仲昌太子少保制曰孔子顏  
氏皆魯國之望孔子由秦漢以來本支蟬聯文獻  
相屬而顏氏僅聞於宋齊之間至唐方顯今孔氏  
稍微矣而爾家三世皆有令聞為國光輝縉紳所  
慕豈聖賢之澤所行者遠其興也固自有次第哉  
其官某言為人師行為世表以學從仕棲遲一官  
若子若孫前英後詰究觀垂慶其德可知爰因登  
俊之辰俾遂篤親之志加之峻秩振爾遺芳豈淮  
世家增譜牒之榮抑使士夫知為善之報  
贈南京國子監說書顏太初為太傅制曰朕思鳧  
嶧之賢其流光遺書俱存而其人不及也雖後世



無聞猶當有以褒崇之矧其孫與吾機政而寵綏  
之數踰於常典者哉其官某道德文章著於當代  
發明古學獨得孟軻之傳疏闢化源聿興魯國之  
緒家承厥範再世似之皆因特起之招繼彼非常  
之用雖其躬可貴寧湏人爵之榮然以澤上覃難  
廢邦彛之舊宜頒官保之命往赫冢嗣之光庶爾  
名揚令吾厚俗祖在昔其興也固自前代矣若  
皇祐二年特授顏惟孜顏似賢各司事參軍制曰  
勅顏惟孜等朕每覽唐史至天寶興元間某卿真  
卿兄弟陷死慨然想見其人今其裔孫流落江外

朕甚嘉焉詔錄州藩且賦以祿夫忠義之後有以  
褒錄者其將以風天下守節之士也可特授惟孜  
將仕郎處州司事參軍顏似賢守台州司事參軍  
紹興五年特授顏邵等官職詔曰勅顏邵等惟爾  
遠祖盡忠于唐剛勁之節凜如秋霜朕讀舊史想  
見遺烈故命有司悉官其後以為天下臣子之勸  
汝其勉以自力無忝爾所生顏邵特授右修職郎  
顏卓補右迪功郎顏彥補下州文學  
紹興六年特授顏師禹右迪功郎詔曰勅顏師禹  
朕遭世中否思古興懷奉唐室之多賢壯平原之



大節英風可想恨不與之同時遺像儼然至今猶  
有生氣訪之遠裔僅庶齊民特加異恩寵以命秩  
錄功臣之世朕無媿於周詩對前人之光爾尚存  
於家範可特授右迪功郎至顯得替於次新輝  
國朝成化二十年十二月二十一日封顏子六十一  
代嫡孫顏公鉅翰林院世襲五經博士  
勅曰朝廷置五經博士於翰林所以資講備顧問也  
况有授是職而不任其事者亦必得人焉爾翰林  
院五經博士顏公鉅乃顏子六十一代孫生稟清  
資世傳賢裔宜膺褒命以責厥宗是用進階修職

郎錫之勅命以為爾榮爾往懋哉毋忝朕命  
弘治十六年三月初六日封顏子六十二代孫顏  
重道為儀賓誥

制曰夫婦之道人之大倫婚姻以時禮之所重此古  
今之通誼也今命爾顏重道為中奉大夫宗人府  
儀賓配以歸化郡主爾當堅持夫道毋寵毋慢永  
肅其家以稱親親之意恪遵朕言毋怠

封魯府歸化郡主誥

制曰古之君者宗室有女必錫封號所以示寵貴也  
魯王庶長女年已長成特封為歸化郡主以為宗





原件模糊



人府儀賓顏重道之配既歸顏氏之門恪修婦道  
毋怠毋驕其於父母生身之恩庶無忝焉欽哉

碑文

御製堯國復聖公新廟碑

朕惟聖賢之生皆天以為世道生民計非偶然也  
雖天處之有不同而聖賢求所以仰副天之意者  
則一心也孔子之道原於天而承於堯舜禹湯文  
武周公孔子不得位則惓惓於推明斯道立教垂  
世以副天之意蓋周公而後必有孔子而後帝王  
之道明君臣父子之位正尊卑內外貴賤之辨者

雖斯理在人心皆固有之然非得孔子之教則不  
能以皆明明之有淺深則行之之效亦因之有淺  
深世道所以有盛衰之不齊也向微孔子之教斯  
世斯人幾何其不淪於夷狄禽獸此孔子之道所  
以為天下國家者不可一日而無也三千之徒孔  
子獨稱顏子好學獨告以帝王為治之大法使孔  
子居堯舜之位則顏子稷契之倫也聖賢之不得  
位與年皆天也而使之得為天地立心為生民立  
命為萬世開太平有以仰副天之意亦天也君子  
曰聖人之蘊微顏子殆不可見發聖人之蘊教萬



世無窮者顏子也嗟乎孔子其太和元氣顏子其  
四時之春乎非春其何以見太和之發育也曲阜  
故有孔顏廟祀我邦之於西文此立以爲主且  
皇曾祖太宗文皇帝既新孔廟而親製文書石朕嗣統  
之七年爰新顏廟有司請文書石并系以詩曰  
巍巍宣聖道配乾坤化流天下光闡人文睿矣充  
國剛明純粹蕩蕩聖域深造精詣爰初四勿以復  
天理以居廣居進退無止大經大本一出於天惟  
聖誠明顏得其全禮樂之授王佐之期鳴鳥不至  
賢聖側微作範立教永淑來世報德暨功代謹秩

祀東瞻魯邦生之所都神靈在天亦時來居既作  
新廟爰祇祀事弼佑皇明千萬億歲

正統六年十一月初四日

祭文

唐諸州釋奠先師顏子祝文

維年月日具官某敢昭告于

先師顏子爰以仲春率導故實敬修釋奠于

先聖孔宣父惟子庶幾具體德冠四科服道聖門實

臻壺奧謹以制幣犧齊粢盛庶品式陳明獻從祀

配神尚饗



宋徽宗遣祭祝文

維 年 月 日皇帝徽宗御名謹遣某官敢昭告于

先師兗國公爰以仲春秋率遵故實恭修釋奠于

先聖至聖文宣王惟公好學之樂簞瓢不改絕塵之

蹤步趨可望德行扶世心同禹稷具體而微素王

是配謹以制幣牲齊粢盛庶品式伸常典秋云式陳明薦

從祀配神尚饗

崇寧五年頒降祝文

維 年 月 日皇帝徽宗御名謹遣某官敢昭告于

先師兗國公惟公有學術業未達一間賢冠四科實

惟亞聖茲率舊章釋奠于

至聖文宣王謹以制幣牲齊粢盛庶品式陳明薦從

祀配神尚饗

金章宗修廟賜服樂祝文

維明昌六年歲次乙卯八月癸丑朔二十七日己

卯皇帝章宗御名謹遣兗州節度使孫康敢昭告于

兗國公惟公宅廟告成神之式燕肆頒樂服以煥聲

容殊別上儀表章崇教儼惟亞聖作配先師春秋

二時祀祭百世尚饗

國子監釋奠祝文



維 年 月 日具位致祭于

先師亞聖兗國公爰以仲春上丁釋奠于

先聖至聖文宣王惟公德冠四科師表百世仰止宣

聖其殆庶幾配食廟庭時惟舊典謹以制幣牲齊

粢盛庶品式陳明薦配食于神尚饗

仲秋釋奠祝文

維 年 月 日敢昭告于

先師亞聖兗國公爰舉舊章釋奠

先聖至聖文宣王惟公德行之美冠于四科好學之

先風百世所仰尚饗

元武宗登位致祭祝文

維至大元年八月 日皇帝武宗謹遣資政大夫

國子祭酒劉廣敬昭告于

亞聖兗國公朕初嗣服思闡文教用致祭于

大成至聖文宣王惟公德冠四科道同禹稷諸祀

典寔惟昭配尚饗

至大元年七月丁巳朔越十一日丁卯皇帝武宗

謹遣集賢學士嘉議大夫王德淵以銀幣牲牢庶

羞之奠敢昭告于

兗國公惟公省私不愚克己復禮獨冠四科之首不



遼三月之仁宜配聖庭式嚴裡祀尚饗

延祐七年歲次庚申五月丁亥皇帝

御筆謹遣說

書王存義致祭于

兗國公惟公德冠諸子具體而微克己為仁萬世作

則嗣服伊始法祀有嚴尚饗

大加封額于兗國復聖公祝文

維元統二年六月丁巳朔越八日甲子皇帝

御筆

敬遣中書省掾鄧昌世以太牢庶羞之真致祭于

先師兗國復聖公惟公孔門高第禹稷其徒一瓢陋

巷樂與眾殊具體而微達入聖闕今也則亡斯文

何式歌茲徽禮伏惟尚饗

國朝遣祭祝文

維永樂七年歲次己丑二月甲戌朔越二十一日

乙未

皇帝遣禮部員外郎饒希等致祭于

兗國復聖公今予巡狩北京道經於此謹遣人以牲

醴致祭惟神其饗之

贊

宋太祖建隆三年太學成御製

亞聖兗國公贊



生值衰周爵不及魯一簞藜藿陋巷環堵德冠四  
宋科名垂千古汲表萬邦遂荒東土

高宗紹興十四年三月十四日御製

交黜充國公贊

德行科首顯冠學徒不遷不貳樂道以居食飲甚  
皇帝惡在陋自如宜稱賢哉豈止不愚

心未顏無繇贊

人孰無子爾嗣標奇行為世範學為人師請車誠  
國非顧匪無私千載之下足以示慈

齊左顏之僕贊

賢行顏叔親承尼父志銳所期道尊是輔泥在陶  
鈞木就規矩終縻好爵揚名東武

顏高贊

琅邪之伯其為子驕微言既彰德音孔昭已觀雩  
舞同聽齊韶歷千百禩跂想高標

顏噲贊

褒錫朱虛在噐輪輿儒室振領聖門曳裾賢業素  
蘊美才以據萬世不刊載觀成書

顏辛贊

孰封于蕭實惟子柳夙飭格言克遵善誘明德惟



馨賢業所就以侑於儒傳芳逾茂  
理宗御製充國公贊

學冠孔門德行科首聞一知十若虛實有樂道  
瓢不易所守步趨聖人瞠若其後門更新贊業素

身亦之自其子  
身亦之自其子

身亦之自其子  
身亦之自其子

陋巷誌卷四

身亦之自其子  
身亦之自其子



